



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XXXVI. Gregorii Papae I. Ad Malchvm Episcopvm Dalmatiensem.
Vt Stephanus episcopus ad eligendum iudicium compellatur.

urn:nbn:de:hbz:466:1-15221

EPISTOLA XXXVI.

GREGORII PAPÆ I.

AD MALCHVM EPISCOPVM DALMATIENSEM.

Vt Stephanus episcopus ad eligendum iudicium
compellatur.*Gregorius Malcho episcopo Dalmatiensi.*

IOANNES vir eloquentissimus, consiliarius viri excellentissimi domini Georgii præfecti per Italiam, insinuauit nobis contra Stephanum episcopum Scodrensis ciuitatis, quorundam se negotiorum habere controuersias: & petiit inter eum & se iudicium debere consistere. Propterea fraternitatem tuam præsentī præceptione curauimus admonendam, vt prædictum episcopum ad eligendum compellas venire iudicium. Et quidquid inter prædictum Ioannem [virum magnificum & sæpèfatū episcopum electorum fuerit sententia diffinitum, ad effectum perducere non omittas: vt & actor de consecuta iustitia gratias referat, & pulsatus cum ad cognitionem deducitur, nihil contra se de illata iniustitia conqueratur.

EPISTOLA XXXVII.

GREGORII PAPÆ I.

AD ANTHEMIVM SVBDIACONVM.

Vt domnis Paterichia, Palatina, & Viuiana necessaria
subministret.*Gregorius Anthemio subdiacono.*

DISCEDENTI tibi mandauimus, & postmodum præceptis discurrentibus iniunxisse me memini, vt curam pauperum gereres. Et quos illic egere cognosceres, scriptis recurrentibus indicares: & vix de paucis hæc facere curasti. Volo autem vt domnæ Paterichia meæ, mox vt præsentem iussionem suscepis, offeras ad calciarium puerorum solidos quadraginta, & tritici modios quadringentos: domnæ Palatina relicta Urbici, solidos viginti, & tritici modios trecentos: domnæ Viuiana relicta Felicis, solidos viginti, & tritici modios trecentos. Qui omnes simul octoginta solidi in tuis rationibus imputentur.

Sum-